

## Nzryrkr Jon Krali Natq Ngr Nzaplxtqngr Mz Nzryrkr Jon Krali

Mc 'Natq Ngr Nzaplxtqngr Mz Nrpakxmrlz Kx Yr Jon.' Mwx yrle letz lc mz yiz 90 o 91 AD mz nibr nzrmcngr mz Jiszs. Letz lc trkrlzkuu kx ryr-neba Jon, murde apule nzymne-ebzpxngr. Ycmnetr-ngrde kzdq olvz x doa nedeng kx drtwr ngrde kzdq dzbe lrmakxtr. Iledede drtwr ngrde kzdq kz dzbe lrmakxtr kx acive Jon. Mz yiz kcng trtqki-li (200) mz nibr nzvzdzkr Jiszs Heven, leplz kxnzqlung nzvzpxng mz nzalvztr-krdr leplz. Nzmncng badr kxnzlxngitilr nzalvztr-krdr x kxn-zokatrlr nidr mz nzvzpx-krdr. Mz letz lc, Jon rpibzle mz kxnzrlxngiting kx na-acivetio-lzbqng, murde ma tzokatrlr krkcng tzalvztr-rbrng.

X Jon yr-kzle kzdung da kx apupwzle da kx yrle mz letz kc kai, a' letz lc mrbcnepwz. Pibzle badr kx nalolvz-amqngilr nzalvztrngr angidr, namrlzti-lzbqng, x bzkq nzrlr-ngrbzlr mz kxnzalvztr-rbrng nzprtr-krdr x nzalvztr-krdr mz makxtr nyzdr.

<sup>1</sup> Ninge Jon, kxacivele lrmakxtr. Nimu dzbe lrmakxtr lang mrla kx mcpx Gct, apuamu ile-lzbq badr dzbe lrmakxtr kang mrka. X rpibo "Nimu la!" mz doa nemqng mz Kraes amrlx mrla, murde mrlzti-angidrxng. X trnipwc'u esz'-krnge, a' leplz kcng amrlx mrka tzkrlzlr nrpa angidr ngr Kraes, nzmrlzti-kzlr nimu.

<sup>2</sup> Mrlztikr nimu murde nzalvztrngr angidr kc tqyc alo mz nabzgu.

<sup>3</sup> X krka'-ngrne kx Gct Trtegu, x Mrlxde Jiszs Kxnmcpix, nakamlr bagu zmrlz ngrdr kxmyalz, nzyckr drtwr, x nzmnc-zpwxngr mz nzlxngiti-krgru NRPA NGR KRAES, x mz nzaelwapx-krgru nivz lrde.

### *Da Angidr X Nivz*

<sup>4</sup> Rmctix kzdung doa nemung, x abrtztix-ngrne nzmc-krnge nzvz-nqblqbe-krdr nzmncngr angidr, da kc tqwai Gct Trte nzkapx-krde natqde kx nayrlq-angidrku.

<sup>5</sup> X mzli ka, tr-ryrpxw'u bamu natq kxmrna. A' nadcpix mz drtwrmu natq kc tqka-pnzmi Gct bagu, mzli kc kai tqlxngiti-ngrgu Nrpakxmrlz. Natq lc nide sele, "Namrlzti-lzbqku!"

<sup>6</sup> Aelwapx-ngrgu nzmrlzti-krgru Gct mz nzvz-nqblq-krgru natqde. X natq kx kapxle mzli kc kai nide sele. "Namrlzti-lzbqku!"

### *Kxznakrlz Kxznpokiang*

<sup>7-8</sup> Aclvetio-lzbqamu, murde kxznakrlzng kxznpokiang nzqqlung nzmncpemqng bagu, x nzrpilr naesabrtilr nimu. Leplz lcngr trnzlxngitilru nzvz-krm Jiszs Kxnmcpix mz nrlc nzngini-krde leplz. Krlc nzalvztrkr Enqmi Kxetu ngr Kraes, kc tqngi kz Kxpokia. Bzkq vz-nqblqamu lrpzki rdr kx vz-rbr. Murde mz nzvz-nqblq-krmule, trnatwzpewamuu da amrlx kx navzpxmqng mz nzwztr-krbzku mz Kraes.

<sup>9</sup> Doa kx trvz-nqblqleu nzalvztrkr Kraes, traxvctr-lzbqpzu mz Gct. A' krkc tqmncmile

nzalvztrngr angidr, nide kx axvctr-lzbqzbz mz Gct ncdr Mrlxde.

<sup>10</sup> Mrlx kx vzm bamu kx trtwzpleu nzalvztr-angidrkr Kraes, bzkq rlr-ngrbzmu nzalvztr-krde mz makxtr x bzkq adwatramu mz ma nyzmu.

<sup>11</sup> Murde krkc tqabrtzlvzle kxakrlz kxpokia axvctr-lzbqpebz mz alwx ngrde.

*Natq Ngr Nzarl-lzbqngr*

<sup>12</sup> Da kqlu kx suti drtwrnge napibo bamu, trpengr nzyrtio-krboleng mz letz lc. Murde suti drtwrnge nzoklati-krbo nimu mz nzpi-zpwx-krboleng bamu x naelalz-ngrm drtwrgu.

<sup>13</sup> Dzbe lrmakxtr kang mrka kx mcpx kz Gct, nzrpibzlr bamu kx, "Nimu la!" Lrmakxtr kang mrka tqapuamu badr ile-lzbq mz Kraes.

Delape. Mrlztix nimu. Ninge *Jon*.

**Nzryrngkxtr Kc Ate Rut x Sam**  
**The New Testament plus Ruth and Psalms is the**  
**Natügu language of the Solomon Islands**  
**Buk Baibel long langguis Natqgu**

copyright © 2008 Wycliffe Bible Translators, Inc.

Language: Natqgu (Natügu)

Translation by: SITAG

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-11-17

---

PDF generated using Haiola and XeLaTeX on 28 Dec 2024 from source files dated 31 Aug 2023

fb2b7f06-e254-5fb7-b59d-ee21d5d7a93f